

全華叢書



金華叢書



尚書表注二卷

金華叢書

退
休
品
開
雕

重刻尚書表注序

金仁山先生生宋之季世德祐初
以史館編修召不赴入元隱居教
授以終易曰不事王侯高尚其志
先生有焉早歲著有尚書注十二
卷今不傳是卷鈔自通志堂經

解中其晚年手定本也書中正
句畫殺而於每頁之上下左右
縱橫標識秩然若網之在綱噫
先生之於是書豈第注焉已哉蓋
將舉二帝三王之道與夫典謨
訓誥誓命之奧旨微言而以注

之者表之也故先生之功在注釋
而先生之志在表章以視抱經
硜索解於章句之末者其相去
為何如耶

本朝四庫書目提要稱其參考
異同非盡無據至於過為高論

求異先儒不無瑜不掩瑕之處則
在善讀者之以意逆志而毋刻
舟以求也是又余之所厚望也夫
同治八年冬十一月同郡後學胡
鳳丹月樵甫謹序



朱子曰安國之序絕不類西漢文字亦不可疑履祥疑安國之序蓋東漢之人為之不惟文體可見而所謂聞金石錄之
之音端為後漢人語無幾也蓋後漢之兩載經盛行其言孔子舊史多涉怪始闕里草自除張伯藏壁一之類如此附
會多有之則此為東漢傳古文者託之可知也如論語序魏人所作亦言壞宅事即不言金石之異矣

周官外史固有三
皇五帝之書未聞
稱三墳五典八索
九丘之書未知何
書也或當時別有
異書倚相讀之以
為博耳書序以堯
舜有二典遂引三
墳五典以配三皇
五帝之數證定書
之原反滋紛紛且
伏犧之書莫大於
卦存於周易夫子
從而翼之矣若炎
黃之書尚存夫子
安得而遂去之且
神農未有文史黃
帝始製文字其言
多後人傳述或不
能盡得聖人之意
而史官始於有虞
則堯舜之書聞見
真切為得其實夫
子去取或是如此
兼古書竹簡繁重
惟周室備有之諸
侯之國或有或無
至後世又多廢失
夫子觀周及遊列
國訪而集之或所
得止此皆未可知
也

尚書序

古者伏犧氏之王天下也始畫八卦造書契以
代結繩之政由是文籍生焉伏犧神農黃帝之
書謂之三墳言大道也少昊顓頊高辛唐虞之
書謂之五典言常道也至于夏商周之書雖設
教不倫雅詰奧義其歸一揆是故歷代寶之以
為大訓八卦之說謂之八索求其義也九州之
志謂之九丘丘聚也言九州所有土地所生風
氣所宜皆聚此書也春秋左氏傳曰楚左史倚
相能讀三墳五典八索九丘即謂上世帝王遺

神農之書農家方
樂家或傳之黃帝
之書老莊醫家多
傳之其傳述失真
或是此類近世又
有三墳書云得於
青城山其書始出
於張天覺家有山
墳氣墳形墳之名
古易既有六十
四卦安得又有三
墳龜山常辨其非
今爰有版本蓋書
序說起其偽也

書也先君孔子生於周末觀史籍之煩文懼覽
之者不一遂乃定禮樂明舊章刪詩為三百篇
約史記而脩春秋讚易道以黜八索述職方以
除九丘討論墳典斷自唐虞以下訖于周芟夷
煩亂翦截浮辭舉其宏綱撮其機要足以垂世
立教典謨訓誥誓命之文凡百篇所以恢弘至
道示人主以軌範也帝王之制坦然明白可舉
而行三千之徒並受其義及秦始皇滅先代典
籍焚書坑儒天下學士逃難解散我先人用藏
其家書于屋壁漢室龍興開設學校旁求儒雅

家語孔騰子襄養秦法峻急乃壁藏其家語 經尚書論語於夫子舊室漢記尹敏傳云孔鮒所藏

今文尚書

洪範 金縢 大誥 康誥 酒誥 梓材 召誥 洛誥 多方 多士 立政 無逸 君奭 顧命 呂刑 文侯之命 費誓 秦誓 武帝續得 秦誓偽篇亦入今文

藝文志云孝文時求能治尚書者天下無有聞伏生治之欲召老不能行於是詔太常使掌故晁錯往受衛宏云伏生老不能正言使其女傳言教錯齊語多異錯所不知十三略以其意屬讀而已李石云文帝撰五經尚書大傳使掌故歐陽生受尚書於伏生

古文增參

大禹謨 五子之歌 堯典 湯誓 伊訓 太甲上 太甲下 咸有一德 說命上 說命中 說命下 泰誓上 泰誓中 泰誓下 武成 旅獒 微子之命 蔡仲之命 周官 君牙 陳畢命 君牙 周命 復出五篇

以闡大猷濟南伏生年過九十失其本經口以傳授裁二十餘篇以其上古之書謂之尚書百篇之義世莫得聞至魯共王好治宮室壞孔子舊宅以廣其居於壁中得先人所藏古文虞夏商周之書及傳論語孝經皆科斗文字王又升孔子堂聞金石絲竹之音乃不壞宅悉以書還孔氏科斗書廢已久時人無能知者以所聞伏生之書考論文義定其可知者為隸古定更以竹簡寫之增多伏生二十五篇伏生又以舜典合於堯典益稷合於皋陶謨盤庚三篇合為一

舜典 益稷 盤
 庚中 盤庚下
 康王之誥
 古文尚書孝成時
 始立學官尋廢終
 漢世未立學官東
 晉梅頤始上其書
 猶缺舜典學者以
 今文舜典補之南
 齊姚方興又上孔
 傳舜典首多今文
 二十八字梁江陵
 之亂其書北行中
 原學者異之隋開
 皇二年求遺書得
 此舜典而五十八
 篇始備唐開元中
 詔術衡改隸古為
 今字而秘府藏其
 書今辰州有古文
 刻書版本

康王之誥合於顧命復出此篇并序凡五十九
 篇為四十六卷其餘錯亂摩滅弗可復知悉上
 送官藏之書府以待能者承認為五十九篇作
 傳於是遂研精覃思博考經籍採摭羣言以立
 訓傳約文申義敷暢厥旨庶幾有補於將來書
 序序所以為作者之意昭然意見宜相附近故
 引之各冠其篇首定五十八篇既畢曾國有巫
 蠱事經籍道息用不復以聞傳之子孫以貽後
 代若好古博雅君子與我同志亦所不隱也

前漢書言張霸來左傳彙敘作書首尾後漢書言衛宏作詩序衛宏之云朱子嘗引之以證詩序之偽矣獨其厚
 疑而未斷方漢初時秦書且有偽書同況書序之類且孔傳古文其出最後則附會之作有所不免若書序果

出壁中亦不可謂非附會者蓋孔鮒兄弟藏書之時上距孔子歿垂三百年其同藏者論語孝經論語既有子
 曾子門人所集孝經又後人因五孝之訓而雜引詩書傳記之語附會成書何為古
 是夫子舊本則其
 為齊魯諸儒會而作序亦可知也

尚書表注序

書者二帝三王聖賢君臣之心所以運量警省
經綸通變敷政施命之文也君子於此考跡以
觀其用察言以求其心以誠諸身以措諸其事
大之用天下國家小之爲天下國家用顧不幸
不得見帝王之全書幸而僅存者又不幸有差
誤異同附會破碎之失考論不精則失其事跡
之實字辭不辨則失其所以言之意書未易讀
也燼於秦灰於楚鉗於斯何偶語挾書之律久
之而伏生之耄言僅傳孔氏之壁藏復露伏生

者漢謂今文孔壁者漢謂古文顧伏生齊語易
訛而安國討論未盡安國雖以伏生之書考古
文不能復以古文之書訂今文是以古文多平
易今文多艱澀今文雖立學官而大小夏侯歐
陽又各不同古文竟漢世不列學官後漢劉陶
獨推今文三家與古文異同是正文字七百餘
事號曰中文尙書不幸而不傳於世至東晉而
古文孔傳始出至蕭梁而始備唐貞觀悉屏諸
家獨立孔傳且命孔穎達諸儒爲之疏夫古文
比今文固多且正但其出最後經師私相傳授

其間豈無傳述傳會所以大序不類西京而謂
出安國小序事意多繆經文而上誣孔子朱子
傳注諸經略備獨書未及嘗別出小序辨正疑
誤指其要領以授蔡氏而爲集傳諸說至此有
所折衷矣而書成於朱子旣沒之後門人語錄
未萃之前猶或不無遺漏放失之憾予茲表注
之作雖爲疎略苟得其綱要無所疑礙則其精
詳之蘊固在夫自得之者何如耳婺州金履祥
序

欽純經明

文經緯天地所謂煥章文章
意思周密所謂其智如神

允恭克讓
光被四表
格于上下

聖人之心純粹精明而已欽明二字已足以盡帝堯之德
欽明又曰文思兼昭其用也文者明之用思者欽之用
欽明即惟精惟一文思即允執厥中

尚書

宋金履祥表注

郡後學胡鳳丹月樵校梓

暑

古文尚書作
每若此古刻
亦謂當作越
若朱子從之

堯典

古文尚書作
堯典第一

虞書

古文
作於

昔在帝堯聰明文思光宅天下將遜于位讓于

虞舜作堯典堯典曰若稽古帝堯曰放勳欽明

文思安安允恭克讓光被四表格于上下克明

俊德以親九族九族既睦平章百姓百姓昭明

協和萬邦黎民於變時雍乃命羲和欽若昊天

厯象日月星辰敬授人時分命羲仲宅嵎夷曰

暘谷寅賓出日平秩東作日中星鳥以殷仲春

敘堯之治化

聖人治天下一
則德盛之感化
一則政教之推
廣

敘堯之用人

義和是義伯和
伯下文分命其
仲叔

宅者定方隅以推日

虞文

欽作聰
德之盛

平均齊
無偏

章有文
品節

協比考

和均調
比均

宅蔡邕
石經

南交
作庀

劉氏宅
德氏宅

陳氏交
日明鄰

候景也平秩史作
 便程便辨義通四
 方地勢不同風氣
 亦異測候之際因
 辨其所異程其所
 宜以爲授時之節
 焉作訛成易者指
 地氣物土民宜之
 事各以其方異辭
 耳自作訛成易以
 上分方日星以下
 分時以日宵之中
 股二分以永短之
 極正二至析因夷
 輿作應必參之民
 宜而爲四時之政
 鳥獸之云則候之
 物性歷家七十二
 候之法所由起也
 周天之日當云三
 百六旬五日四分
 日之一而云三百
 有六旬六日蓋帝
 堯特舉其大綱其
 於周天必知圓奇
 之妙四分一不足
 以盡天矣故繫舉
 至日而中星亦通
 舉辰象其間亥刻
 則有司隨時推之
 以與天分後世度
 不足而析爲分分
 不足而又爲秒有
 爲九百四十分日
 久析一度爲三千
 二秒半而周天則
 三百六十五度二
 千五百七十二分
 二十五秒分秒愈
 密後世作歷常密
 而於天反疎蓋聖
 人因天以定歷後
 世制歷以推天也

厥民析鳥獸孳尾申命羲叔宅南交平秩南訛
 敬致日永星火以正仲夏厥民因鳥獸希革分
 命和仲宅西曰昧谷寅餞納日平秩西成宵中
 星虛以殷仲秋厥民夷鳥獸毛毳申命和叔宅
 朔方曰幽都平在朔易日短星昴以正仲冬厥
 民隩鳥獸氄毛帝曰咨汝羲暨和朞三百有六
 旬有六日以閏月定四時成歲允釐百工庶績
 咸熙帝曰疇咨若時登庸放齊曰胤子朱啟明
 帝曰吁嚚訟可乎帝曰疇咨若予采驩兜曰都
 共工方鳩僝功帝曰吁靜言庸違象恭滔天

訛史記
 資並古
 有作又

疇古文
 並作

滔天二
 字因下
 文衍